



KOZE LEKTŲ

SONJE



Li oke pou ou li yon pati nan yon liv.
Konplete lekti a apre!



Poze epi fè konvèsasyon sou sa timoun
nan enterese.



Kite timoun nan kenbe kat yo epi chwazi ki
aktivite nou ka fè ansanm pandan lekti a.



Eksplike



Nan foto sa a... mwen wè yon chyen ki ap jape byen fò nan kuizin nan.

Pou ki sa chyen an ap jape?



Mwen wè chyen an chita atè nan kuizin nan, bò kote yon bòl vid. Mwen panse li dwe grangou. Esplike, sa ede predi ki sa ki pral rive apre!



Devine



Ki sa ou panse ki pral rive?

Mwen pa konnen.



Mwen wè gwo nyaj gri nan syèl la epi mwen konnen yo ap mache. Mwen panse pral gen lapli epi yo pral mouye.



Tankou mwen



Èske gen yon bagay nan liv la ki raple ou
kichòy nan lavi ou? Ki sa ki sanble?

Wi! Mwen gen yon soulye mov tou!



Wi, oumenm tou! Ki sa ankò ki sanble? Èske ou
te janm ale nan yon mache tankou sa ki nan
paj la?



Aprann mo



Èske gen pati ki pa klè? Èske gen mo ki pa familye?

Wi. Ki sa yon raje ye?



Yon raje se yon touf plant kout ki gen anpil branch ak fèy. An n chèche foto yon raje.



Santiman



Panse sou sa ki fèk pase a. Ki santiman li genyen?

Mwen panse li kontan.



Mwen panse sa tou. Èske se menm santiman li te gen anvan, ou byen se yon bagay nouvo.



Mwen ap panse



Sou ki sa ou ap panse? Ki sa mwen ka ede ou panse?

Mwen ap panse... pou ki sa li pa kouri lakay epi mande èd manman l?



Petèt... kay li lwen osinon manman li al travay. Kisa ki fè ou panse sa?



Preferans mwen



Ki meyè pati nan liv la jiskaprezan. Ki sa ou renmen ladan li?

Mwen renman pati lè ti gason an sote nan ma dlo a epi kò li gen labou. Sa amizan!



Sa parèt amizan! Mwen renmen pati lè fanmi an ap soupe. Ki sa ankò ou renmen?



Esprime



An n pran yon paj ou li deja epi an n fè l
vrèman enteresan. Nou ap matche santiman
pèsonaj la.

Nan paj la, ti fi a vrèman fache. Mwen panse li
ap rele fò.



Oke, an n li ankò epi RELE mo li di yo. Èske
nou pare?



Rejwe



Di m ki sa ki ap pase nan liv sa a. Ki sa ou sonje? Gade mo yo ak foto yo pou ede ou sonje.

Ti gason an pa te manje desè. Li te tèlman fatige, dòmi pran l sou planche a akote kabann nan.



Kòrèk. Ki sa ki te rive apre sa?





Save the Children®